

3. ~~3.~~

Q. D. V.

DISSE

RTATIO

Dc

ACQUISITIONE

ERUDITIONIS,

ad studia Academica digressurus, M

SUB PRÆSIDIO

M. Bottfried Hoffmanns/
Lycei Laub. Rect.

Ad Martii Anno M. DCC. VIII.
finitis Sacris matutinis

*Loco Speciminis Valedictorii
ventilandam proponet*

A. & R.

Michael Ehrenfried Grause/

Neostad. Müni.

LAUBÆ,

Excudebat JOHANNES CHRISTIANUS Stremel.

Encycl.
179,24.

V I R O

Summè Reverendo, Amplissimo atque Doctissimo,

DN. M. NICOLAO HAAS,

Theologo magnis in Ecclesiam meritis inclyto, Ecclesiæ Evangelicæ Badissinenfis Pastori Primario dignissimo, rerumq; Scholasticarum Inspector vigilantissimo,

nec non

V I R O

Plurimum Reverendo, Clarissimo atque Doctissimo,

D O M I N O

M. JOHANNI SCHULTZIO,

Pastori apud Schandavienses meritissimo,

ut &

V I R O

Reverendâ dignitate & reverendâ pietate Clarissimo,

D O M I N O

JOHANNI FRIDERICO REICHIO,

Pastori Marckersb. egregiè merito,

PATRONIS SUIS OPTIMIS & respectivè COGNATIS

HUMILI VENERATIONE PROSEQVENDIS,

has studiorum primitias Scholasticas, h. e. tenues
atque immaturas

In devotissimi animi pignus submissè offert, seqve ultiori patrocinio commendat

A. & R.

論語卷第十一
論語卷第十一

Argumentum.

IN statu innocentiae nulla erat eruditionis acquisitionis §.
1. sed hodiè indigemus eâ ob ruditatem lapsu contra-
ctam §. 2. 3. 4. imò ad eam obligamur jure Naturæ &
divino §. 5. Transfitur ad Tractationem, qvæ comple-
titur I.) Acquisitionis Obj. s. ipsam Eruditionem §. 6.
cujus notatur descriptio §. 7. divisio in Primariam & Secun-
dariam §. 8. utriusque differentia §. 9. atque nexus §. 10. II.
Secundaria est vel vera §. 12. 13. vel falsa §. 14. Qvorsum re-
ferenda Eruditio jucunda & gloria? §. 15. qvorsum lin-
gvæ? §. 16. II.) Subjectum §. 17. cuius ruditas §. 18. habili-
tas §. 19. qvæ consistit a) in naturali intellectus capacitate §.
20. qvæ sub se comprehendit, judicium, ingenium & me-
moriā §. 21. circa hanc capacitatem magna emergit di-
versitas §. 22. unde oriatur? §. 23. tres ejus classes §. 24.
Hujus diversitatis conseqvens §. 25. qvæ sit optima? §. 26.
evehi potest culturâ §. 27. sed prudenter instituendâ. §. 28.
Q) In cupiditate discendi §. 29. qvæ sit naturalis, vera & indi-
straeta §. 30. y) In corporis firmitate §. 31. An hæc Theolo-
go sufficiat? §. 32. III.) Formam qvæ ponitur in legitimâ u-
surpatione mediorum, qvæ sunt a) vel primaria, inter
qvæ 1. nominis divini invocatio §. 34. hac usi qvomodo à
cœteris differant? §. 35. 2. industria, qvæ in solâ meditatione
olim consistebat §. 36. postea cum auscultatione conjunge-
batur §. 37. Tandem adjecta fuit librorum lectio §. 38. Hæ
industriæ partes hodie adhuc obtinent §. 39. sed nobilissima
est meditatio §. 40. qvæ sit ordinata §. 41. fervida §. 42. pru-
dens §. 43. Non omittenda tamen auscultatio §. 44. sed sit

neqve servilis §. 45. neqve affectatè scrupulosa §. 46. Et le-
ctio librorum qvoqve est necessaria §. 47. sed selectissimo-
rum §. 48. qvem usum habeat? §. 49. Adeam reqvirun-
tur lingvæ §. 50. b) Secundaria, & qvidem exercitatio §.
51. Experientia §. 52. Doctorum conversatio §. 53. IV.)
Impedimenta sunt vel a) intellectus 54-55. præjudicii varia
significatio 56. oriuntur ex nimia diffidentiâ & confidentia
57. Nimia confidentia est 1) vel sui & parit alia præjudicia
59-59. in aliis major, in aliis minor 60. vel 2) in aliis posita
61. qvando & unde oriatur 62. medicina ejus 63. Diffiden-
tia etiam dividitur 64. hujus medicina 65. vel b) Volunta-
tis qvæ animi passiones sunt sed prædominantes 66. 67. &
qvidem in specie ambitio 68. voluptas 69. avaritia 70.

* * * * §. I.

ADAMO nondum serpentis astu decepto divina imago, qvam ex-
primebat, solidam rerum divinarum pariter ac humanarum co-
gnitionem pandebat. Et proinde absente omni ruditate abe-
rat qvoqve *Eruditionis* acquisitio.

§. 2. Sed tristem illum lapsum stupenda rerum vicissitudo inse-
cuta fuit. Intellectum hominis, extincto lumine, errorum tenebræ adeò
deformabant, ut caligine undique circumfusus ad veritatis lucem eniti
non posset; Voluntatem verò statim, amissâ pristinâ rectitudine non
extrema tantum in bonis impotentia corripuit, sed summa qvoqve ad
prava infedit facilitas. Unde simul in corpus præpostera confusio, mi-
seria aliaqve morborum semina descenderunt.

§. 3. Et has mentis depravationes inter se matuum quasi vinculum
connectit. Intellectus enim ruditatem comitatur semper augetqve &
propensio ad errores, spretâ veritate, fovendos, & insana pravorum mo-
tuum obliquitas viceqve versa. Ex quo haud obscurè efficitur, intelle-
ctui integritatem suam non incompositâ voluntate, nec voluntati recti-
tudinem impolito intellectu constare posse.

§. 4. Et sic humanæ mentes agris horridis æqviparandæ veniunt,

qvi

-9a

3

qui salutarium frugum steriles, nihil praeter earduos tribulosque producunt, nisi industrius accedit cultor, qui vomere istos subigat, & ad reddendam messem, semine indito præparet.

§. 5. Sed quoniam in hâc ruditatis miseriâ homines ad præstanta officia, quæ & Deo & humanæ Societatis conservationi debent, essent planè inidonei: proinde jure naturæ pariter atque divino obligantur, ut huic malo sufficientem accersant medicinam, h. e. eruditioem sibi acquirant.

§. 6. Et hanc ipsam *Eruditionis acquisitionem* pro virium modulo excutere constitui, breviter contemplatus ipsius *Objectum*, *Subjectum*, *Formam* & *Impedimenta*. Postquam ERUDITIONIS COMMUNICATIONEM Svavissimus Commilito suæ dissertationis argumentum esse voluit.

§. 7. Quod ad Objectum igitur hujus *Acquisitionis* pertinet, est illud ipsa acqvirenda Eruditio, quæ, si nativum vocis significatum sequimur, indigit actionem, qua rudi indigestæque materiae nova atque polita inducitur forma, eo fine, ut ad usus debitos ritè sit accommodata. Et sic Eruditio ad animum translata innuit culturam animi, qua ille sua ruditate depositâ ad veri boniq; cognitionem atque exercitationem instruitur, ut scopum, ad quem natus est, ritè assequatur. Ut verò omnis tollatur ambiguitas, obiter monendum est, in seusu dispari Eruditionis vocem vulgō accipi. Mox enim ipsam erudiendi actionem, mox comparatum inde habitum, significat. Illa est cultura animi, hic verò ejusdem cultus nuncupari potest.

§. 8. Cœterum duplex & à se invicem diversum est principium, ex quo omnis deducitur Eruditio. *Ratio* nimirum atque *Revelatio*. Et quia hæc illam præstantiâ utilitate atque evidentiâ longissimè post se relinquit; proinde ex revelatione deducta Eruditio commodè *Primaaria*; altera ex ratione petita *Secundaria* dici poterit. Illa vocabulo usu recepto *Theologia*; hæc *Philosophia*, sed in sensu latissimo, appellatur.

§. 9. Sicuti autem alias in omni scientiâ divulgatio æquè nocet atque confusio; ita quoque hic serio & de discrimine, quod inter utramque intercedit, & de reciproco utriusq; nexu disqvirendum est, ne ob propinquum confinium alterutrius limites vel diffundantur latius vel angustius

stius justo circumscribantur. Differunt autem i. ipso cognoscendi principio. Illa enim ex solo gratia hæc ex naturæ lumine addiscitur. 2. Objecto. Illa circa res divinas atque æternas; hæc circa res naturales, sensibus obvias citoque perituras occupatur. 3. Forma. Illa verè potest mentem corriger & non speciosâ tantum incrustare scientia; hæc incipit modo ad perfectam divini simulacri restitutionem non sufficiens. 4. Fine. Illa felicissimam cum Deo conjunctionem intendit; hæc temporariam hominis felicitatem promovisse contenta altius non assurgit, sed hominem in æternitatis limine destituit.

§. 10. Ex quibus colligitur, quam præstantior Theologia sit Philosophiâ, quamque mutila, manca & dilacerata Secundaria ista Eruditio sit, nisi Primariæ radiis coruscet, eaque duce atque comite utatur. Inde vero non concluditur, alteram alteri refragari & non salvis utriusque terminis copulari posse, si famulatio contenta Philosophia ad imperium non aspiret. Evidens potius est, Theologum, qui à genuino naturalis luminis usu recesfit, variis implicari difficultatibus; sicuti è contrario illas feliciter evadit, qui svavissimo connubio utramque scit conneccere.

§. 11. Sic Theologiæ famulatur Logica, sed non ita, ut divina rimentur mysteria, in quibus omnino fatuatur ratio, sed ut intellectui faciem præferat, naturalem in pavidendis rebus confusionem tollat, erroneas conclusionum detorsiones, quas quandoque adversarii adhibent, detegat, & falsæ interpretationis avia, quoad ejus fieri potest, præcludat. Eundem in modum nec subsidiariam Ethices operam alpernatur Theologia. Ipsa quidem ex uberrimo suo penu promit media, quibus mentis humanae sanitas in integrum restituvi debet: Quia tamen Ethica peculiari ratione hominem ad sui cognitionem manuducit, ostendendo in individuo, quæ propria cuique sit miseriærum species, facile assentitur Theologia, ut medicinæ ex se præparatæ applicationem Philosophia moralis dirigat.

§. 12. Porro Ratio in dupli statu potest considerari. Est enim vel sana & affectuum tyrannide libera, vel ægra & præjudiciis affectibusque obsita, cum quibus indignum in modum ita sœpe coalescit, ut sensuum jussui obsequiosa novas ideas pro lubitū fingat atque refingat. Qui igitur sanâ in acqvirendæ Eruditionis instrumentum utitur, sanam quoque ac veram, qui secus, ægram atque falsam, sibi comparat doctrinam.

§. 13. Per Eruditionem veram intelligimus istam, quæ vere ad scopum

pum, h. e. ad summum bonum, qvod in veritatis cognitione virtutisqve exercitio ponitur, tendit. Involvit hæc suo ambitu omnes scientias natura cognoscibiles v. g. Logicam, qvæ ad veritatis cognitionem adiutum recludit: Ethicam, qvæ animum recti notitiâ imbutum virtutis amore utcunqve accedit, & ad ejus exercitium invitat, imprimis vero ad sui cognitionem dicit. Et ne veritatis acquisitionem virtutisqve exercitium morbi retardent, cavit Physica atqve Medicina: ista sanitatem sartam tectam conservando; hæc si amissa fuerit, restituendo. Ne qvoqve extrinsecus aliquid accidat, qvod summi Boni possessionem nobis eripere possit, suo præsidio efficit Politica, Jurisprudentia & ex parte etiam Mathesis. Et qvia omnium harum Disciplinarum illustrationi inservit Historia, declarando, qvod prisca etiam ætas tulerit, qvi ad eundem nobiscum scopum collimaverint; hinc & ea in veræ Eruditionis censum venit. Tandem Oeconomia, Arithmeticæ aliaqve Matheœos partes subministrant subsidia, qvibus fortunæ dotes acquirere, acquisitione tueri commodè possumus.

§. 14. Falsa Eruditio est, cum qvis circa nugas difficiles, ineptas atque inutiles occupatur. Sic Artiwodorus passim à doctis notatur, qvi omnem vitam, non sine multorum itinerum tædio, in solâ Onirocriticâ exhausit. 2. Cum qvis disciplinas cætero, qvin utiles expendit, in iis vero ita tantum versatur, ut corrasâ rerum doctarum farragine famam, otium atqve divitias lucretur: citra sui aliorumque correctionem.

§. 15. His præsuppositis facile colligi poterit, qvorsum scientiæ, ut vocantur, delectabiles atque glorioſæ referri mereantur. Scilicet istæ cohibent mentem, ut secum habitare discat, attentionem ejus acuunt, & seriis laffatam studiis reficiunt, ut videre licet in Historiâ, Optica magnâque Physices parte; Hæ efficiunt, ut utili nostræ veræq; Eruditioni officina aperiatur. Sed accurata adhibenda est cautio, ne missis utilibus his solis immoremur, & vel in otio literario, vel in nudis extermis, omnem vitam perdamus. Is enim non modo otiosus est, qui ab omni labore cessat, sed ille quoque, qui παρέγγοι meris inhæret.

§. 16. Ad linguarum studia quod attinet, non quidem in se Eruditio- nis pars dici possunt; interim tamen summè sunt necessaria, non tantum ad Eruditionis acquisitionem, sed & communicationem, ut intra fusius exponetur. Et hæc sufficient de Acquisitionis Objecto.

§. 17. Or-

§. 17. *Ordo, quem sequi nobis placuit, ad Acquisitionis hujus Subjectum nos devolvit.* Est autem *Subjectum quod homo necessaria habilitate instructus;* *Subjectum quo remotum ipsius anima;* *proximum* Intellectus ad veri cognitionem instruendus, & voluntas ad recti executionem instiganda.

§. 18. Omnis autem acquisitionis rei adesse debitam presupponit; proinde paucis hic ruditatis status in Subjecti consideratione effet evolvendus. Sed eum §. 2. 3. 4. suprà attigimus; quare illius repetitione superse debimus, hoc adjecisse contenti, ruditatem in homine non tantum in veri rectique absentiam sed & in actuosa falsa pravique presentia consistere.

§. 19. Sicuti autem aurum rude, quod ex terrae venis effoditur, habilitate quadam est dotatum, illam formam, ad quam ab aurifabro effingitur, recipiendi: ita quoque Deus humanis mentibus inesse voluit tam capacitem, quæ culturæ est patiens atque habilis, rationem nimirum, quam alii simulacri divini ruderæ, alii prævenientis gratiæ primitias salutant.

§. 20. Ut igitur paucis multa complectar, ad Subjectum verè habile requiritur, 1. naturalis intellectus capacitas, 2. vera, minusque ascitia voluntatis cupiditas, 3. suppetias quasi utriq; asserti inconcussa corporis firmitas.

§. 21. Naturalis Intellectus capacitas in tres animi facultates de-nuò dispescitur *Ingenium* nimirum, *Judicium* & *Memoriam*. *Judicium* est humanæ mentis vis, quæ Ideas sibi per sensus oblatas distinetque perceptas comparat inter se, consentaneas jungit, dissentaneas autem removet, tandemque ex uno principio alias veritates derivat, easque cum eo connectit. *Ingenium* est itidem Intellectus facultas, quæ Ideas alacri facilitate format, formatasque ope judicii argutè componit, dividit & mutat. *Memoria* tandem est vis animi, quæ res ab ingenio vel judicio compositas veluti custos excipit, asservat, & quoties requiri-tur, bonâ fide promit.

§. 22. Quamvis autem provida Natura secundum essentiam intellectum omnibus æqualem indiderit, nemoque præ altero quādam prærogati-vâ gloriari possit; secundum gradus tamen magna emergit diversitas, aliis agili, aliis obtuso, aliis mediocri obtinente, prout eum liberrima

Crea-

Creatoris voluntas per corporea organa disposuit. Et proinde quoque naturalis ista capacitas in aliis exigua, in aliis eximia, in aliis admiranda reperitur.

§. 23. Præcipua tamen hujus capacitatis differentia dependet 1. ab ætate. Sic in pueris judicii impotentia undique elucescit, qvæ verò corroboratæ ætate, sensim imminuta, culturæ ope ad summam sœpe asurgit præstantiam. Contrà ætas puerilis mirâ memoriæ tenacitate commendatur, qvæ vero maturæcentibus annis, siccatoque cerebro plerumque in morosam definit hebetudinem. 2. A Sexu. Hinc plerumque in sexu sequiori judicii notatur imbecillitas. 3. A Temperamento. Sic in Cholerico judicii sublimitas, in Sangvineo amœna atque arguta ingenii facilitas, in Melancholico memoriae excellentia spectatur. 4. A natione. Sic Gallis communi suffragio præstantissimi ingenii felicitas, & judicii penuria, Hispanis judicii sublimitas, ingeniique defectus tribui solet.

§. 24. Ad tres Clasles verò omnium ingeniorum diversitas commode revocari potest, ut prima inhabilia, secunda mediocria, tertia excellentia sub se comprehendat. In prima ut sunt miserrima, ita quoque rarissima, dum omnibus saltem una ex recensitîs facultatibus intra mediocritatem obtigit. Secunda complectitur mediocria, h. e. in quibus vel judicii, vel ingenii, vel memoriæ vis in excellentiori gradu se exerit, cœteris supra mediocritatem non assurgentibus. Tertia tandem mera Excellentia sistit, h. e. talia, in quibus conjunctim omnes facultates in pari præstantiæ gradu conspicuntur.

§. 25. Ex his probè intellectis conseqvitur, alterum altero ad certum eruditionis ordinem esse naturâ accommodatiorem. Sic illi, in quibus ingenii vigor emicat, ad eloquentiæ & Poëseos culturam innato quasi impetu feruntur; cum è contrario illi, qui majori pollent judicio, ad Sapientiæ divinæ & humanæ adyta, sunt manuducendi. Quis ergo non videt, accurato scrutinio prius vires ingenii exutiendas esse, quam nos certo Eruditionis generi addicamus?

§. 26. Inter Facultates autem expositas Judicium omnino primas tenet, quoniam eo in *eruditionis acquisitione* nullus carere potest. Nec obstat, quod veritas per se una sit, simplex, plana, sibiq; optime constans. Est omnino, sed errorum coloribus atque fallaciis ita investiri potest, ut

in ejusmodi nodiis Gordiis frustra luctetur, qui non secum judicii acumen affert.

§. 27. Cœterum hæc naturalis capacitas doctrinæ dexteritate, ususque solertia, ad altius fastigium evehi potest atque debet. Hinc non est, cur hebetiores desponteant animum, si ipsis noverca natura contigerit; imprimis cum ingenii igniculi sæpius veluti in taxis lateant, qui postea assiduo studio eliciti in magnam flammam coalescunt.

§. 28. Quidam autem, ut jam diximus, judicii vires majoris sunt faciendæ, quam cœterarum facultatum; sequitur etiam in cultura animi ita curas esse dividendas, ne plus memoriæ, quam judicio, destinemus. Licet enim non dixerim, omnem memoriæ cultum esse abjiciendum, dum satis constat, eam quiete atque cessatione mutari subinde in pejus, æragineque obduci: Illi tamen quoque præpostæræ confusionis absolvī nequeunt, qui studiosius memoriæ expoliendæ invigilant, quam judicio, nescii aut oblivious, judicii micam memoriæ ponderi esse præferendam, judiciique vires vehementem in modum infringi, si res multæ anxiæ & verbotenus memoriæ commendentur dicam an infarciantur? Medii tutissimi ibunt.

§. 29. Et quamvis omni ætate largus semper ingeniorum provenitus fuerit; pauci tamen ad veram solidamque doctrinam pervenerunt, quia altero habilitatis membro destituti fuerunt. Est illud *naturalis, vera & indistincta proficiendi cupiditas*, qua absente, vel excellētissimi ingenii vires langvent, turpique otio atteruntur.

§. 30. Sed dixi notanter, (1) *naturalem*, quia a naturæ quodam instinctu profici sci debet. Et sanè in sciscitando hoc instinctu eo majori opus est sagacitate, quo abstrusius latet quandoque, & quo facilis nobis non animadvententibus aliquid obrepere potest, quod ejusmodi instinctum simulet. Appellavi (2) *veram*, ut ab ea excluderem omnem eam cupiditatem, quam incauti parentes spe honorum, opum atque voluptatum in liberis accendunt, imitati Ciceronis exemplum, qui satis arroganter suum Marcum admonet: *Sustines non parvam spem imitandæ industria nostre, magnam honorum, nonnullam fortasse Nominis.* (lib. 3. de Offic. cap. 2.) Et hæc mihi videtur unica causa, cur multi, quamvis de eo serio meditentur, scrutando assequi nequeant, quibus studiis sint initiandi. Parentes enim ipsis adhuc pueris quodam

dam studium magnis honorum atque divitiarum pollicitationibus fecerunt amabile, illique parentum blanditiis fascinati miras de eodem in animo conceperunt Ideas, quas consociatas memoria retinuit. Quotiescunque igitur de studio eligendo suscipitur deliberatio, recurrent statim consociatae istae Ideæ, mentemque impediunt, quo minus istud, quod debet, decernat. Tandem nominavi *indistractam*. Ubi enim ista affectuum motibus atque desideriis fuerit distracta, eum, quem sibi praefixit, scopum, non attinget; ut infra fusius dicetur.

§. 31. Quia vero mens nostra adeò arctè est unita corpori, ut de omnibus, quæ huic vel læta vel tristia eveniunt, participet; ad Eruditii habilitatem corporis quoque firmitas referri meretur. Scilicet mens suas operationes exerit per organa. Si igitur fortita fuerit aut debilia, aut morbis impedita; suis quoque partibus defungi nequit, ut in ebrio exactè atque crapula onusto videre datur. Eò forsan respexit Tacitus, cum dicit, *naturam Herorum mentibus quoqve Heroica, h. e. excelsa assignasse domicilia, ne mentium conatus corporum debilitas retardaret.* Tandem quoque ministerio sensuum utitur mens in acquirenda Eruditione; hi vero si phrenesi alioque deliquio fuerint correpti, in multa animus penetrare non poterit.

§. 32. Et hæc sunt, quæ de *Acquisitionis Subiecto*, ejusque habilitate proferre libuit, quæ quamvis ad Theologiæ veræ notitiam comparandam quoqve sint necessaria, non tamen sufficiunt, sed Dei gratiâ sunt altius evehenda atqve perficienda. Id vero fusius hic perseqvi, nostri instituti ratio non permittit.

§. 33. *De Formâ Acquisitionis Eruditionis* nunc quoqve dicendum erit. Consistit illa in *legitimâ mediorum usurpatione, quibus acquiritur Eruditio.*

§. 34. Inter media vero eminet præ aliis, suâq; dignitate præcedit, *Numinis divini invocatio, vitæq; sanctimonia.* Qvod medium, ut maxime universale, ita simul magnopere necessarium est. Sive enim spectemus Eruditionem, ut vocavimus, primariam, illa sane cœteris mediis omnibus adhibitis, nobis non salutariter obtinget, nisi Spiritus S. operationem imploremus, qvi lucem per sacras literas accendit, & rationem boni sterilem, praviq; feracissimam irradiat: imprimis dum in propatulo est, Theologiam non in umbratili divinarum rerum notitiâ

verborumque cortice, sed in efficaci agnitæ veritatis exercitio, virtutisq; nucleo, positam esse. Sive contemplemur Eruditionem, ut diximus, secundariam; neque hæc citra hujus medii usum verè acquiri poterit. Nam ratio sibi soli relicta rerum omnium genuinum finem aut non perspicit, aut perspectum, si alienis non sufficiatur adjumentis, assequi nequit, & insuper, clariori lumine non præeunte, ad levem dubii ventum instar folii cespitat, errorumque cassibus incidens ita sœpe constringitur, ut vel nunquam, vel difficulter eluctari valeat. Testabatur id olim Ethnicis credita naturæque lumini absurdissima πολυθεότης: conspirant hodie in assensum tot testes, quot opiniones indeoque ortæ contentiones. Tandem quoque ratio in eruditionis usu mirum quantum cœca sit. Sæpe enim, qui cum subtilissimi ingenii præstantiâ stupendam doctrinam atque prudentiam conjunctam habent, eâ non raro in accelerandi sui ipsius exitii instrumentum utuntur, uti nec nostræ ætati hujus notæ exempla sunt ignota.

§. 35. Qui igitur Numinis auxilium sibi conciliat piis precibus, ab eo, qui solis naturæ viribus innixus studet, in eo differt: 1. majori pollet perspicaciâ in rebus etiam naturæ obviis; 2. sedulitatem ipsius divina semper comitatur benedictio; 3. majori circumspectione ipsa studia dirigit, omniaque, quæ ingenii vires depascunt, diligentius evitat; 4. tandem quoque molestias in studiis passim obvias divinæ gratiæ solatio lenit, & metam præfixam excitatius urget.

§. 36. Secundum medium generali vocabulo dicitur *Industria*, quæ vero in diversas partes abit. Evidem si ad ipsa Eruditionis initia & quasi incunabula recurrimus, existimamus, ipsam olim sola *Meditatione* fuisse acquisitam. Admodum enim probabile est, Adamum rerum naturalium obliuitu raptum in admirationem de singularum naturæ investigandâ serio cogitavisse, ut vel inde patet, quod agrum coluisse dicatur. Nisi addere quoque velimus *Auscultationem*; quoniam ipse Deus Præceptoris munere functus, ipsi & miseriam, quam lapsu incurrerat, & redemptoris adventum graviter manifestavit. Cœterum absurditatis ungvibus facile se produnt, tum nugæ Isaaci Peyrerii, qui Præadamitas somniatus, Adamum quodam Samboscer, Præceptore usum fuisse ait, tum Rabinorum commenta, quibus quidam Angelus Raziel dictus primus Adami informator audit.

§. 37. Hoc

§. 37. Hoc citra dubium est, quod Adami liberi, ab ore parentis jam dum pendere, *auscultandoque* sibi Eruditionem comparare cœperint, qvam propria subinde *meditatione* atque *experienciam* magis magisq; adauxisse creduntur. Neque ambigendum est, qvin in tantâ ætatis longitudine ad summam doctrinæ gloriam contenderint.

§. 38. Ex quo autem doctioribus placuit, suas meditationes literis consignare, easq; ut suæ eruditionis monumenta, posteris commendare; factum fuit, ut pro tertia industriæ parte haberetur *Librorum doctorum lectio*.

§. 39. Et hæc tria Eruditionis media hodiè adhuc obtinent, quamvis qvoad applicationem variato paulisper ordine. Incipitur enim ab *Auscultatione*, dum pueri ob mentis imbecillitatem seriò meditandi operam subire nequeunt, non tamen ita, ut pueris omnis eripiatur meditandi occasio; sed ut interspergatur subinde aliquid, quod pueri solius meditationis beneficio scrutari jubentur. vid. Dissertat. Præf. de Jud. Cult.

§. 15. seqq. Provectioribus paulo major meditandi incumbit necessitas, quippe qui in iis, quæ Præceptorum ore ipsis propinantur, assensum tamdiu cohibere jubentur, donec omnibus excusis circumstantiis ipsi de re propositâ firmum quoddam apud animum statuere queant. Tandem in meditationis nostræ fulcimentum *sobria librorum lectio* adhibetur, qvâ nostros de re conceptus cùm aliorum eruditorum placitis componimus, & in quantum sibi invicem contrariantur, non sine insigni animi delectatione comperimur.

§. 40. Ex quo haud obscure conficitur, nobilissimam industriæ partem esse *Meditationem*, qvâ reconditos rerum recessus nobismet ipsis recludimus. Et sanè ea demum verè nostræ sedulitatis peculia sunt, quæ nostra reddidit meditatio; cum econtratio illi cornicis Æsopianæ fraterculi existimentur, aliisque sagacioribus risum debeant atq; jocum, qvi alienis induiti plumis incedunt, h.e.qvi ex solis commentariis sapiunt, nihilque propriæ indagationi debere volunt.

§. 41. Ne autem felici successu destituatur meditatio, in id est intendum, ut sit *ordinata, fervida* atque *prudens*. *Ordinata* sit, ne 1.) à difficilioribus & complicatis ad facilia atq; simplicia procedat; 2.) ne jactis nondum fundamentis ad altiora transiliat. Qvi enim in eo delinqvit, ex mente *Baudii* rebus novandis qvam gerendis aptior est,

& in omnis rei disquisitione perpetuo erroris metu fluctuat; 3.) ne ni-
miâ intemperie vires infirmet, corporique morbos attrahat. Id quod
apud istos fieri solet, qui statim â sumto cibo seriis meditationibus se per-
mittunt, oblii, quod eo ipso e ventriculo calorem ad cibi concoctionem
necessarium in laborantis cerebri subsidium evocent, & crudis humori-
bus coacervatis, spiritus infectionem concitent,

§. 42. *Fervida* sit, 1. ne justa destituatur attentione; quæ si abfue-
rit, fieri solet, ut mens pedem nullibi figat, sed moræ impatiens multa
prætereat, plurima tantum attingat; 2. ne mox hinc mox inde rapiatur,
nec interveniente leviusculo strepitu s. alio avocamento interrumpatur.
Res ad vivum delineatur in voluptuoso, qui cœco amore seductus multi-
plices de Objecto amabili Ideas fingeat, fovet, repetit, easq; sibi ita inscri-
bit, ut, quoties in seriâ meditatione ad aliquid defertur, quod aliquali af-
finitate ideas in animo consociatas tangit, eæ statim evolvantur, torren-
tisq; instar omnem meditationem confundant. Et inde evidens est,
qvam justè à docto qvodam viro amor studiorum pestis appelletur.

§. 43. *Prudens* tandem sit, ne 1. circa res fuitiles, &, ut Martialis
vocat, difficiles nugas intenta sit; 2. ut naturæ semina seqvatur; h.e. ut
in studiis istis modo occupetur, qvæ indoli videntur convenientissima; 3.
ne Andabatarum more ubiq; habitare desideremus, sed omnia qvidem le-
viter degustemus, in uno vero studiorum genere sic consenescamus, ut in
eo præstantissimis accenseamur, qvos paucitas plerumq; numerabiles
æqvæ ac commendabiles facit.

§. 44. Sed dum Meditationem extollimus, *Præceptoribus* nihil
derogatum cupimus, qvorum auctoritatem & necessitatem DÆus ipse
suffulcit. Et dum perpendimus, in studiorum stadio mille dari viarum
circuitus, diverticula atq; anfractus; appareat qvoq; qvam opus fit,
ut ducem nobis adjungamus viæ callentissimum, qvi, qvâ semitâ nos
ab ipso trita vestigia ad amussim relegere queamus, monstrat.

§. 45. Hinc qvoq; *auscultandum* est; sed non servilem in mo-
dum, ut in Præceptorum verba juremus, omniaq; illorum placita veluti
oraculi in modum edita citra præviam meditationem assumamus, aut
qvoq; semper â Præceptorum ore pendere velimus. Præceptores enim,
ut vetus est adagium, non sunt viæ comites, sed viæ duces.

§. 46. Ne tamen hæc circumspectio in affectatam scrupulositatem
dege-

degeneret, cautione opus est. Hæc enim ubi semel animos invaserit, infelici partu diffidentiam eniit, & profectus discentium sufflaminat. Nam qvis attentas aures afferet Præceptoris, nisi persuasus, se ab illo aliquid discere posse, cum tamen attentio primaria auscultationis virtus sit?

§. 47. Qvamvis autem res, qvas viva docentis vox per aurium portam discentis animo insinuat, felicius hæreant, qvam si solitaria domi lectione eas percurreret; non tamen ideo omnis librorum lectio est eliminanda. Equidem non ignoro, qvod hæc a plurimis ad Eruditionis destructionem magis qvam acquisitionem referatur, qværentibus aliis cum B. Thomasio (in Præf. ad Turf.) qvod decepta publicè Scholis imperantium autoritas efficeret, ut libri insulsi juvenibus obtrudarentur, sedemque dignioribus debitam invaderent; urgentibus aliis, qvod tanta librorum varietas mentes distraheret atqve obtunderet; illudqve eo periculosius esset, qvanto, qvi legeret, minus ad lectionem iudicii attulisset, atqve peritiæ.

§. 48. Sed ideo non omnes libri prohibitorum Catalogo sunt inserendi, qvamvis id arguatur: prudentem librorum ineundum esse selectum, ne vel fucato titulo vel Autorum celebritate decepti sero & operæ & impensarum jacturam doleamus. Huic rei autem Historia sic dicta literaria commodè inservit, exquisitissimos in quâcunqve Disciplinâ libros promens,

§. 49. Cœterum sobria librorum lectio eum usum habet, ut 1) ex illis rerum nostros sensus non subeuntium aliquam notitiam petamus; 2.) ut altius rem rimandi occasionem suggerant, pluribus oculis uno plus videntibus; 3) ut nos in rebus, qvas vel viva vox Præceptoris vel propria meditatio nobis obtulit, suo suffragio suffulciant. Proinde valde, qvamvis cum magno errantium comitatu, errant, qvi inde, missis aliis, tantum erudiri volunt.

§. 50. Et quia libros non possemus ritè intelligere, nisi eas in istâ lingvâ, in qvâ primum scripti sunt, legere possemus: hinc quoqve lingvarum cognitione nemo carere potest. Imprimis autem Hebraica atqve Græca enixè desiderantur in Theologo, qvi sacras literas in illis scriptas dilucida explanatione interpretari tenetur. Indecorum enim est, illum alienis videre oculis, qvi aliorum oculus constitutus est, ut B. Gerhardus in Method. Studii Theologici censem.

§. 51. Et

§. 50. Et quia lingvæ Vernaculæ elegantia nobis non connaſcitur; quæ tamen, ſilingvarum præstantia uſu eſt æſtimanda, omnium prætantissima eſt; clarum eſt, quanta animi contentione imprimis utiliſſimum hoc Eruditionis orgānon ad noſtros uſus ſit ſubigendum, ut exemplis Galli præeunt, qui & in hoc ad ſua commoda ſat ingeniosi ſunt. Et hæc quāſi Media primaria ſunt; paucis quoq; nunc ſecundaria perluſtrabimus.

§. 51. Inter hæc eſt *frequens exercitatio*, quæ in eo ponitur, ut quicquid didicerimus, alios confeſſim doceamus. Singula enim non Scholæ, ſed vitæ, diſcuntur, quæ in perpetua actione degit. Neq; putandum eſt, quod ejusmodi exercitatio alterius tantum commodiſ inſerviat: Firmat potius egregiè partam doctrinam atq; perficit: quoniam illud demum verè ſcire creditur, quod alteri, ſi non obſtet, ritè communicare poſſumus; vid. *Perilluſtris Auctoṛ Medic. Ment. p. 46.* ſeqq. ubi illud fuſe & exacte perſeqvitur. Neq; differenda eſt ejusmodi exercitatio ad ætatem, in quâ publica functio eam injungit; ſed adoleſcens paucorum annorum domi eā uti potheſt, donec majori Theatro evadat dignior. Commendat hoc medium præ aliis Ringelbergius in methodo ſtudendi p. 27. ſeq: *Tanti ego, inquiens, hanc facultatem facio, ut malim iudicium adolescentis, qui perpetuo docuiffet, quam ejus, qui ſolitariâ domi lectione auctores optimos perlegiffet. Multa ſæpe perlegi, ſed unius mensis intercapedo memoriam ita deleverat omnem, ut vix dum ſcirem, quos legiſſem. At quæ alios docui, ea tam mihi perspecta ſunt, quam corporis membra. Horum cognitionem firmam eſſe, frugemque proferre ampliſſimam experimento comperi. Et celeb. Weißius in Elucidario Oratoris Politici ſub finem non dubitat affirmare, inde plerumque fieri, ut pauperioris fortis homines, præ aliis emergerent, quia ipliſ huius medii uſum commendaret apta ad perſuadendum inopia.*

§. 52. Huc quoq; pertinet *Experientia*, quæ nihil aliud eſt quam multarum rerum memoria, quas ſenſuum beneficio perceptas in animo ritè expendimus. Et quamvis ſoli Medicī *Experientiſſimorum* titulum ſibi vindicent, ea tamen veluti prudentiæ matre, (ita

Con-

Conringius Experientiam,) nullus Eruditorum ordo citra insignem defectum caret. Theologus sane, qui pœnitentia, justificationis atque sanctificationis indolem non experiendo cognovit, vix aliis eam rite depingere poterit. Et in cœteris Disciplinis hæc eo magis est necessaria, quo jucundius est suis potius quam alienis oculis rem usurpare.

§. 53. Neque contemnenda Eruditionis vel augendæ vel comprandæ occasio nobis illucescit, quoties cum viris, quibus rei literariorum florem inniti videmus, *Conversationis usus* exhibetur. Qvis enim non facile problema quoddam formare poterit, quod ad eam Disciplinam, in qua illi excellunt, pertinet, & sic pia fraude percontari, cuius communicationem alias haud insolens Eruditis invidia denegavisset. Nam dum modestè & placidè contradicimus, dum, ut novas rationes addant, urgemos, tacite in multa nobis in perva pertingimus. Doctum hoc Stratagema celebris commendat D. Schuppius de ejus fructu ipse edocetus usu.

§. 54. Et hac de hujus *Acquisitionis formâ*. Jam quæ *impedimenta* ipsam acquisitionem morentur, videbimus. Ut enim in aliis quoque ad earum rerum comparationem præruptus & arduus aditus est, quæ maximâ utilitate hominum alliciunt desideria, ita quoque ad eruditionem via tot impedimentis avocatoriis strata est, ut ille, qui se paulo altius in eam immittere constituerit, unde flexuosos deviationum sinus devitet, non videat. Consultum igitur est, ut mentem contra omnes casus præmuniamus.

§. 55. Omnia vero impedimenta in duas abeunt Classes; aliis intellectum fascinantibus, aliis voluntatem corruptentibus, illa vocantur *Præjudicia*, hæc *Passiones mentis*.

§. 56. *Præjudicii* autem vox variè sumitur. Ita notat factum, quod in pari causâ postea judicaturis exemplum ad consequentiam præbet. Philosophis vero *præjudicium* est opinio falsa, quam vel ipsi ante præviū examen nostro animo inscripsimus, vel ab aliis inscriptam cœco obsequio tuemur. Et hæc significatio hujus loci est.

§. 57. Sed ex ipsâ definitione patet, qvam noxia ista pestis sit, si animum paulo altius infederit. Ut autem ipsius indolem exactius noscamus, ad fontem est respiciendum, ex qvo virus istud ebullit, nimirum ad *confidentiam*, & *diffidentiam* nimiam.

§. 58. Cœterum sub arboris imagine ea animo nostro insinuare possumus. Stipes vel truncus est ipsa *nimia confidentia*, qvæ in duos ramos succrescit, nempe in *confidentiam nimiam erga se*, & in *confidentiam nimiam erga alios*. Illa fœcunda iterum multorum surculorum mater est, & *inconsiderantiam*, *superbiam*, *præcipitantiam* & *impatientiam* gignit.

§. 59. *Inconsiderantia* impedit, qvo minus rerum oblatarum veritatem serio sub animi incudem revocemus; *superbia* efficit, ut erroris qvamvis solidè refutati patrocinium ex solâ pervicacia suscipiamus; *præcipitantia* in eo se exerit, ut lingua mentem præcurrat, & inepto judicio aliis risum moveat; *impatientia* tandem est, qvando laboris pertæsi omnem rei considerationem abjicimus, si intricior ejus sensus videatur.

§. 60. Vis hujus Præjudicij in alio major, in alio minor est, prout illa in Educatione fuerit augmentata. Sic in iis maximum robur contraxit, quas intempestiva laus corrupit.

§. 61. Alter hujus Præjudicij ramus ut vocare placuit est *nimia in alios fiducia*, qvæ alias qvoqve *Auctoritatis præjudicium* appellari solet, qvo occupati aliorum verbis & scriptis fidem nostram absqve prævio scrutinio subscribimus. Provenit inde *credulitatis* turculus, qvi vel solus sufficit ad præcludendum aditum sapientiæ solidæ. Ita de Catone Minore refert Plutarchus, eum ideo difficulter admodum didicisse, qvia præjudicij hujus venenum ipsius mentem infecerat.

§. 62. Oritur hoc præjudicium sub ipsa nostrâ infantia. Aetatis enim imbecillitas ad seriam rerum contemplationem nos tristum facit inidoneos. Cum igitur necesse sit, ut aliorum, qvorum affiduo contubernio utimur, institutionem imploremus, illiqve tamen ipsi sc̄epe
ve-

veritatis rudes sint; fieri aliter non potest, qvin multis imbuamur erroribus: præprimis, qvia illorum placita, non ut probabilia, sed ut oracula ex tripode dicta, superstitione assumimus. Et in hoc subinde crescentibus annis confirmamur ab illis, qvi citra suæ auctoritatis lassionem rudiorum à suis verbis dissensum tolerari non posse autumant.

§. 63. Ut igitur his præjudiciis exolvamur, in omnibus rebus, actionibus vel dictis eò annitendum est, 1. ut sobrie dubitemus, 2. attentè meditemur, 3. meditationem subinde repetamus.

§. 64. Hanc Scyllam vero evitaturi ne in transversam Charybdim ruamus, cautione circumspectâ opus est. Ab alterâ enim parte nimia & erga nos, & erga alios diffidentia conspicitur, qvæ, nisi in tempore tollatur, in præfractam de re qvâvis dubitandi consuetudinem definit, & eo ipso torporem fœdissimum inducit. Nam insaniens eslet, veritatem qværere, qvam tamen nullibi existere persuasus es.

§. 65. Verum illud præjudicium eò infrequentius est, quo longius à communi omnibus Philavtia, ex qvâ cœtera præjudicia derivantur, recedit. Medicina ejus in eo consistit, ut firmiter nobis persuadeamus, neminem hebetis adeo fuisse, vel esse ingenii, qvi non in omni doctrina saltem aliquid præstare posset.

§. 66. Impedimenta voluntatis, qvæ ab aliis minus rectè præjudicia affectuum dicuntur, sunt *animi passiones*, vel, ut veteres appellabant, *perturbationes*. Suntqve certi motus voluntatis ab imaginatione rei, qvæ sub boni vel mali specie nobis offertur, orti.

§. 67. Qyamvis vero omnes affectus in homine concurrant; ad unum tamen qvisqvis naturâ ita proclivis est, ut ille inter cœteros quasi regis officio fungatur. Unde quoque nomen *Passionis prædominantis* fortitus est. Notum autem est, tres in hominibus conspici passiones prædominantes, avaritiam, ambitionem atqve voluptatem. Hinc brevissimis demonstrare nostrum erit, neminem, qui uni ex his frœnum laxaverit, liberiusqve indulserit, ad solidam *Eruditionis acquisitionem* pertingere posse.

§. 68. *Ambitiosos* qvod attinet, fateor quidem, eos omnibus esse ad studia aptiores : cum plerumq; choleric sint, & acutissimo pollent judicio. Verum evidens quoque est, quod nulli minus eruditio- ne aliis sincerè profuerint, quam illi ipsi. Imo & in ipsa accquisitio- ne tot obstacula deprehendunt, ut nec millesimus eâ rite defunga- tur. Nam laudis sunt avari & proinde mirè sibi placent, quando a- liqua ex parte hanc aviditatem explerè queunt. Quandoque etiam aliorum adulatio- nibus capti in labore acquiescunt, segniterque pri- stinum impetum remittunt, persuasi, se jam illud tenere, qvod adulato- rum blanditiæ illis inesse fingebant. Dum igitur ad suas laudes connivent, dum ad exorientis sapientiæ crepusculum tripudiant, qvæ- dam ad minimum ulterius progrediendi occasio elabitur. Porro in omnibus excellentis ingenii gloriam affectant; hinc tantum subtilita- tum salebras sectantur, missis interim planis, ex qvibus tamen pluri- ma semper derivatur utilitas.

§. 69. *Voluptuosi* quoque, quamdiu animi lascivientis vitium non cohibent, inhabiles sunt justæ Eruditionis. Indulgent enim plerumque gulæ, compotationibus student, mirumque in modum suis cupiditatibus velificantur. Hac autem intemperie qvid aliud agunt, quam qvod ingenii vires studiis impendendas enervent? qvod Plato innuisse videtur, dicens: *Impossibile est, ut sapientes sint, qui se bis quotidie saturant.* Deinde sunt delicati, laborum impatiens, & ad otium admodum faciles. Unde igitur vera compararetur doctrina, qvæ non per ventos, ut assa columba, venit? Tandem si tra- ctant studia, ad ea tantum pravo suo appetitu rapiuntur, in quibus plurima deprehenditur delectatio. Hinc Historiarum libros aspiduis manibus volvunt, iisque imaginationem titillant, eoqve ipso judicii reliquias, qvæ jam tum in iis parvæ sunt, magis magisqve suffo- cant.

§. 70. Tandem *Avari* inter libros qvidem considerant, minus- que coeteris mundi irritamentis capiuntur: verum dum ad scopum incitato cursu tendunt, qvi ipsis est in divitiarum acquisitione pos- tis, vel nimis se laboribus frangunt, rudi indigestaque rerum docta- rum mole coacervata, vel leviter, & ut canis è Nilo omnia tantum

de-

l. 80. 2

degestant. Et quid multis? Eruditio nos umbratili rerum notitia sed virtute absolvitur. Verum virtutes non locum inveniunt, ubi vitia imperio praesunt.

§. 71. Huc a non nemine rerum domesticarum angustia refertur. Verum haec remora non multi sunt valoris apud istos, quibus per ardua adituque difficilia ad summa grassari volupe magis, quam molesum est. Et cum hodie neque Patronorum munificentiam neque gratuitam Praeceptorum operam jure desiderent egeni; eos haud difficulter se omnibus obstaculis expedire posse, constat, si modo, ut in proverbio est, illorum paupertas bonam mentem comitem habeat atque sororem.

§. 72. Idem fiat judicium de divitiis. Haec quidem, si abusus accedit, facile a studiis arcent istos, quibus Eruditio nihil aliud quam opulentiae instrumentum significat. Sed qui vere Sapiens esse cupit, divitias non amat, sed mavult, non in animum illas, sed in domum recipit; nec respuit possessas, sed continet, & majorem suae virtuti subministrare materiam vult, ut Seneca de V. B. c. 21. s. vivissime argumentatur. Imo non contemnendo Subsidio divitiae in Eruditionis acquisitione esse solent, cum hoc imprimis seculo, ubi omnia auro venalia sunt, non desint, qui stipendio conducti omnia premansa in os ingerant, rerumque seriarum tedium, interspersis hinc inde delitiis, levare satagant. Quo autem rei literariae commodo, quo detimento id fiat, judicent alii.

COROLLARIA.

An Adamus in statu Integritatis fuerit Eruditus? N.
Nulla Eruditio est vera, quae non est practica.

Vel:

Omnis Eruditio tantum habet supervacui, quantum ab usu recedit.
Musae prius floruerunt, quam florere coeperunt Musae.
Nemo est, qui omnia scit, nemo, qui nihil.
Et nostro Seculo accommodanda est querela B. Seckendorfii:

C 3

Ne-

*Nescio, an de progressu literatura gratulari magis Christiano
orbi, an de nimio ejus amore & abusu veræ & simplici pietati
Christianæ noxio conqueri debeamus? Adeo difficile est
auream mediocritatem tueri, & vitare extrema.*

Sanæ Interpretationi multum inservit vera affectuuni cognitio.

Historiæ usus genuinus est, non ut veterum seriem, nomina atque ætatem sciamus, sed ut hominum actiones, virtutes & vitia notemus, hæc ad fugam, illas ad imitationem.

Ut in jure illi, cui agendi occasio deest, non potest imputari, quod non agat; ita quoque rudi omni, studendi occasione excluso non imputari potest Eruditionis absentia.

Vir bonus & civis bonus multum à se invicem differunt.

Non statim voluptuosus est, qui Sanguineus, nec ambitiosus, qui Cholericus est.

Ad errorem voluntatis non semper requiritur error Intellectus.

*Heroas Literarios qui promiscuè omnibus ad imitationem propo-nunt, eorumque exemplo discendi ardorem accendunt, maximè errant,
Paucis est philosophandum.*

Multis est philosophandum.

Eruditionis quoque adjumenta sunt peregrinationes magnis men-tibus freqventes, plebejis interim, ex judicio Lipsii, domi desidentibus.

In Philosophia studio rectè incipitur ab Ethica, qvia ille. qvi te qvoad animam & corpus ritè cognovit, in studiis aliis commodius pro-greditur.

Multis Disciplinis majus, qvam par est, pretium, statui solet.

Varias difficultates incidit, qvi excusat Poësin.

Nimium Poeseos studium judicii vires frangit.

In rebus intricatis suspendere judicium, eruditio non est indeco-rum.



Ad

Ad
PATRONOS, PRÆCEPTO-
RES, BENEFACTO-
RES
Dilectissimi Respondentis
FUTUROS,
EPISTOLA
PRÆSIDIS.

Viri Optimi,

ET si validissima ea solet esse commendatio, qvam qvis-
qve fibi sua ipse parit virtute & meritis: non tamen
improbandus est mos iste, cum testimonia vitæ ac
studiorum abiturientibus Academiæ Candidatis dare
solent Præceptores. Proinde teneri non potui, qvin O-
ptimi hujus Juvenis Dissertationi has quasi viales adjice-
rem, iisqve, me maximè ipsi cupere, aliorumqve grati-
am & amorem libentissimè conciliaturum, significarem.
Patrem, DN. MICHAEL EM Krausen/ Diaconum apud
Neostadienses qvondam fidelissimum, morte præmaturâ ami-
sit, afflictæ Matris, Viduæ, piis precibus nixus DEUM
etiamnum Orphanis ad incitas redactis paternè provide-
re, vel suo exemplo didicit. Juxta Patriam primos Bene-
fa-

factores ipsi Budissa dedit, quam Lauba æmulata est, eius
jus per biennium, & quod excurrat, beneficiis adjutus, in
studiorum studio curriculum confecit scholasticum, tanto
quidem cum successu, ut in academicum ingredi ab ipsis
nunc jubeatur Præceptoribus. Quæ eidem sit ingenii do-
cilitas, quæ acqvisitam communicandi cum aliis promptitudo, & præ-
senti hoc specimine valedictorio clare demonstravit, &
juvante DEO, futuris suis conatibus probabit multum cla-
rius. Excipite itaq;ve Ipsum benignissimè, VIRI OPTI-
MI, quos DEUS vel ideo suæ Bonitatis constituit organa,
ut vel patrocinio, vel informatione, vel saltem amore ju-
ventutem adjuvetis studiosam; excipite, rogo, hunc Ju-
venem, eo animo, quo excipi debent omnes, qui in Po-
steritatis usum videntur nati. Deus, quicquid boni à VO-
BIS conferetur in hunc & alios, ad VOS, VESTROSQUE
non sine fœnore redire faciet. Valete! Scrib. Laubæ

d. Martii M DCC VIII.

